



სსიპ გარემოს ეროვნული სააგენტო

დავით აღმაშენებლის გამზირი №150
0112 თბილისი, საქართველო
+995 32 2439503 / +995 32 2439510
info@nea.gov.ge
nea.gov.ge

29 მაისი 2025



N 21/5088

შპს „ხუმფრერი ჰესს“

მის: ქ. თბილისი, მთაწმინდის რაიონი, თამარ ჭოველიძის ქ. N19, ბ.3

ელ. ფოსტა: enviasgroup@gmail.com

სსიპ გარემოსდაცვითი ინფორმაციისა და განათლების ცენტრს

სსიპ გარემოს ეროვნულმა სააგენტომ (შემდგომ - სააგენტო) განიხილა გარემოსდაცვითი გადაწყვეტილების მიღების მიზნით წარმოდგენილი თქვენი 05/03/2025 წ. #05032025-1 განცხადება (სააგენტოს N2055, 06/03/2025 წ.) და მესტიის მუნიციპალიტეტში, მდ. ხუმფრერზე, 6,76 მგვტ. სიმძლავრის „ხუმფრერი 1“ და 25.94 მგვტ. სიმძლავრის „ხუმფრერი 2“ ჰესების კასკადის მშენებლობისა და ექსპლუატაციის გარემოზე ზემოქმედების შეფასების ანგარიში (შემდგომ - გზშ-ს ანგარიში) და გაცნობებთ შემდეგს:

- გზშ-ის ანგარიშში, 4.3.1.1 (მდინარე ხუმფრერის სხვადასხვა უზრუნველყოფის საშუალო წლიური ხარჯები მ³/წმ-ში) და 4.3.1.3 (თვითური და წლიური ხარჯების სიდიდეები 10%, 50%, 75% და 95% უზრუნველყოფისთვის) ცხრილებში მოცემული საშუალო მრავალწლიური სიდიდეები არ შეესაბამება ერთმანეთს. შესაბამისად, აღნიშნული განსხვავება საჭიროებს დაზუსტებას და დასაბუთებას;
- გზშ-ის ანგარიშის თანახმად (გვ.22.23), კაშხლის ღერძის მიმდებარედ, მარჯვენა ფერდობზე, მცირე ზომის გვერდით ხევში წარმოქმნილმა ზვავმა შესაძლოა მოიცვას თევზსავალის ბოლო ნაწილი. საჭიროა წარმოდგენილი იქნეს ინფორმაცია საფრთხის ასაცილებლად საჭირო შესაბამისი შემარბილებელი ღონისძიებების შესახებ;
- გზშ-ის ანგარიშში არ არის მოცემული ინფორმაცია მილსადენის ტრასაზე ფერდობის მაღალი მოჭრის უბნის გეოლოგიური მდგრადობის პირობების, ჰორიზონტალური ბერმების მოწყობის საჭიროების საკითხის შესახებ. ასევე, დაზუსტებას/დასაბუთებას საჭიროებს ხუმფრერი 2 ჰესის სადაწნო მილსადენის (მაღალი დაფერდების) უკუყრილის ვაკისის მდგრადობა, ხოლო საჭიროების შემთხვევაში, ინფორმაცია მდგრადობის უზრუნველსაყოფად დამატებითი ღონისძიებების გათვალისწინების შესახებ;
- გზშ-ის ანგარიშის თანახმად, ეკოლოგიური ხარჯის ნაწილი გატარდება თევზსავალის საშუალებით, ხოლო დანარჩენი გატარებული იქნება სათავე ნაგებობის ფარიდან. წარმოდგენილი უნდა იყოს ინფორმაცია ეკოლოგიური ხარჯის ძირითადი ნაწილის კაშხლის ფარების ნაცვლად სპეციალურ, ავტომატურ რეჟიმში მოქმედი სიღრმული წყალგამშვების გამოყენებით გატარების საკითხის განხილვის შესახებ;

- გზშ-ის ანგარიშში არ არის მოცემული და დაზუსტებას საჭიროებს თევზამრდი კონსტრუქციის დეტალური დახასიათება (შესაბამისი ნახაზით, სქემით და გაანგარიშებით);
- გზშ-ის ანგარიშის თანახმად, საკვლევი წერტილიდან დაახლოებით 400 მეტრში მდებარეობს 3 მ-მდე სიმაღლის ჩანჩქერი. ამასთან აღნიშნულია, რომ მდინარეში ეკოლოგიური ხარჯის შემცირების შემდეგ, აღნიშნული მონაკვეთი შესაძლოა თევზებისთვის გადაულახავი ბარიერი გახდეს. აღნიშნულის გათვალისწინებით, ჰესის ოპერირების ნეგატიური ზემოქმედების შემცირების მიზნით და თევზის მიერ ბარიერის გადალახვის შესაძლებლობის უზრუნველსაყოფად, საჭიროა დამატებითი შემარბილებელი ღონისძიებების (ამ მონაკვეთის დეტალური შესწავლა, ჰიდროტექნიკური სამუშაოების ჩატარება და სხვ.) შესახებ ინფორმაციის წარმოდგენა;
- “გარემოსდაცვითი შეფასების კოდექსის“ მე-10 მუხლის მე-2 ნაწილის შესაბამისად, გზშ-ის ანგარიშში ხელმოწერილი უნდა იყოს მის მომზადებაში მონაწილე პირის/პირების მიერ. თუმცა გზშ-ის ანგარიშში არ არის ხელმოწერილი გეოლოგიური, საინჟინრო-გეოლოგიური სამუშაოების შემსრულებელი პირის მიერ;
- გზშ-ის ანგარიშსა და თანდართულ ზღვ-ის ნორმების დოკუმენტში არ არის წარმოდგენილი ინფორმაცია ჰესის ექსპლუატაციის ეტაპზე წყალმომარაგების და ჩამდინარე წყლების მართვის შესახებ, რაც დაზუსტებას საჭიროებს.

გთხოვთ, ორი თვის ვადაში უზრუნველყოთ დაზუსტებული/დამატებითი ინფორმაციის წარმოდგენა სააგენტოში. აღნიშნული შენიშვნების გათვალისწინებით დაზუსტებული ინფორმაციის/დოკუმენტაციის წარმოდგენამდე სააგენტო მოკლებულია შესაძლებლობას გასცეს გარემოსდაცვითი გადაწყვეტილება.

ელენე ლუბიანური

სააგენტოს უფროსი

სსიპ გარემოს ეროვნული სააგენტო

<https://edocument.ge/mea/public/#/5088-21-2-202505290954>

